

СССР-н Министрмүдин Советин Ахлач дахдж йовх пресс-багин сонъсхвр

Сентябрин 24-д үүдин хөөн Н. С. Хрущев болн энүг дахдж йовх улс Питтсбургас Соединени Штатсин хот — Вашингтон балгъснур ирв.

Вашингтона кесг олд миньгън амтн Советск правительствин толгъачиг ик байртагъар тосв. Асхиднь Советск посольствд Н. С. Хрущевд нерăдсн тоовр болв. Байртагъар иньлгч бăăдлд болсн эн тооврт США-н вице-президентн Р. Никсон, Г. Лодж, Цагъан герин барин туск төрин сeглăтр Д. Хăгерти, олд тоомсрта промышленник болн общественн үүлдăч С. Итон болн нань чигн государственн, общественн болн культури үүлдăчир

бăăв. Дакад американск төрт орлгч улсин кесн тоовр болв. Эн тооврин цагла советск-американск бăăдлин туск төрмүдăр селвгăн хувалцдж күүндлгън болв.

Сентябрин 25 өрүн США-н Государственн сeглăтр К. Гетер, СССР-н Министрмүдин Советин Ахлач Н. С. Хрущевд нерăдсн тоовр кев. Терүнă хөөн Н. С. Хрущев СССР-н газадн керг-төрин министр А. А. Громыког дахулад, США-н президентин балгъснас газа бăăх резиденцүр, президент Дуайт Эйзенхауэрлă күүндвр кехър одв.